

王氏醫學叢書

曾女士醫學全書

蘇州國醫書社發行



南京中医药大学图书馆版权所有

全國新中醫之巨大結晶——中醫科學化之急進先鋒

中醫新論彙編

……現已出版了

主編者……王慎軒

助編者

（張又良
沈潛德

譚元生
王德箴

朱溪裔
王道濟

龔敏仁
郁佩英

唐景昭
管愈之

本書五大之特色

- 1 內容豐富——凡中日漢醫之一切醫書醫報雜誌之精華無不采入
- 2 祕訣公開——凡中日漢醫之一切經驗奇效之祕方無不明白宣佈
- 3 選輯精嚴——凡學說陳腐方法偏僻不切實用不合科學者均不取
- 4 材料新穎——凡所選各篇均係中西合參確是中醫科學化之名著
- 5 評按明確——凡每篇之後多有名醫王慎軒先生之按語尤為名貴

本書之十二總目

（生理學
治療學

病理學
傷寒學

內科學

診斷學
外科學

藥物學
女科學

方劑學
兒科學

讀此一書勝讀各種醫書醫報雜誌數百種

（定價）每部四厚冊實價洋五圓外埠寄費加一外國寄費加三

總發行所……蘇州吳趨坊一百三十七號……蘇州國醫書社

曾女士醫學全書序

宋虞世撰養生必用方十六卷其言曰古人醫經行於世者多矣所以別著者古方分劑與今銖兩不侔用者頗難此方其證易詳其瀆易用苟尋文爲治雖不習之人亦可無求於醫也王生太史出其母恭人此篇見脉論病處方詳盡曲當足以通用備急其用意與虞世同余嘗怪世之以醫自名者每輕用人之疾嘗試其不可知之方激者至云有病不治常得中醫嗟乎豈獨醫爲然哉有意於斯道者得是書而讀之以爲應用之備其利溥矣光緒丁未三月端方撰

自序

自神農嘗百草以治病迄於漢晉靈樞素問肘後諸書代有傳人降及後世仲景爲醫中之聖其所著傷寒諸方後學者莫不奉爲準繩故醫方集解通行於世其中張子和劉河間李東垣朱丹溪四大家皆有偏勝處張劉善於攻散李朱一偏於補陽一偏於補陰雖著名家頗難取法然每見泥執古方以治今人之病動輒誤人懿深憫之學者總以推求內經金匱古法潛心體察掇其精華摘其所偏自能豁然貫通變化無窮如近世徐靈胎葉天士吳鞠

通王士雄費晉卿諸醫士皆能運化古方以治今人之病其所製各方偶遇各症細察病情加減用之無不中鬴其最切世人之時病者莫如吳鞠通之溫病條辨一書懿身經四次溫症得以轉危而安皆得力於斯書者居多蓋此書仍追蹤於仲景能運化其奧旨妙在顧人津液不專攻伐而能使邪表出故善用此書者活人無算經驗者屢矣且醫之道亦豈易言哉七情六氣之感病非一端補瀉升降溫熱寒涼之藥性非一類是以非博覽羣書抱用世之才不足以語醫也亦非天資明敏工壽世之術不可以學醫也懿本女流性又不敏只因弱歲失怙奉母鄉居而家藏醫書復甚齊備暇時流覽心竊好之今行年五十有四始研究稍得門徑嘗見傷寒溫病世醫誤治致令夭亡良用慨然茲將此二症病情及治法分辨明晰詳辨數章並將溫病條辨溫熱經緯運化醫效各方摘錄成帙明澈顯要一目瞭然及生平經歷醫效古方時方並自製諸方選其靈驗素著分類刻出庶使讀書之家人人知醫不致受庸醫之貽誤此懿所以瓣香永祝者也

歲在光緒三十有二年丙午八月華陽曾懿伯淵著於秣陵月圓人壽之齋

曾女士醫學
全書第一種 診病要訣

華陽曾懿伯淵著

古越王慎軒重訂

男南山校字

●脈論

古之治病。以望聞問切爲主。望以辨色。聞以審聲。問而知受病之由。切以定脈。知病之虛實。寒熱輕重淺深。知此四端。虛心謹細。按經切脈。定症立方。須斟酌盡善。方可言醫。脈經論脈二十四種。脈象未免紛繁。徒亂人意。惟張心在先生所著持脈大法。八脈爲綱。頗爲明晰。一曰浮。浮者。取輕手著於皮膚之上而卽見。爲表病也。一曰沈。沈者。重手按於肌肉之下而始見。爲裏病也。浮沈二脈。以輕重得之。此其顯而易見也。一曰遲。遲者。一息脈二三至或一至。爲寒病也。一曰數。數者。一息脈來五六至或七八至。爲熱病也。遲數二脈。以息之至數辨之。又顯而易見也。一曰細。細者。脈狀細如絲。主虛之病也。一曰大。大者。脈狀粗大如指。諸實之病也。細大二脈。以形象之闊窄分之。又爲顯而易見也。一曰短。短者。脈來短縮。上不及寸。下不及尺。爲素稟之衰也。一曰長。長者。脈來迢長。上至魚際。下至尺澤。爲素稟之盛也。長

短二脈。以部位之過與不及驗之。又爲顯而易見也。又有互見之辨。浮而數爲表熱。浮而爲表寒。沈而數爲裏熱。沈而遲爲裏寒。又於表裏寒熱虛實六者之中。審其爲短。知爲素稟之衰。療病須兼培其本。審其爲長。知爲素稟之盛。攻邪必務絕其根。此憑脈治病之祕法也。

●舌色論

舌者。心之竅。凡病俱現於舌。能辨其色。症自顯然。舌尖主心。舌中主脾胃。舌邊主肝膽。舌根主腎。假如津液如常。口不燥渴。雖發熱尙屬表症。若舌苔粗白。漸厚而膩。是寒邪入胃。挾飲而欲化火也。此時已不辨滋味矣。迨厚膩而轉黃色。邪已化火也。若熱盛失治。則變黑。胃火甚也。至苔厚漸退而舌底紅色者。火灼水虧也。此表邪之傳裏者也。甚有脾胃虛寒者。則舌白無苔而潤。甚者連脣口面色俱痿白。此因受溼。脾無火力也。脾熱者。舌中苔黃而薄。心熱者。舌尖必赤。甚者起芒刺。肝熱者舌邊赤。或有芒刺。其舌中苔厚而黃者。胃微熱也。舌中苔厚而黑燥者。胃大熱也。甚至脣口俱黑者。則胃將蒸爛矣。再有舌黑而潤澤者。屬腎虛也。若滿舌紅紫色而無苔者。此名絳色。亦屬腎虛。更有病後。絳舌如鏡發亮而光。或舌底隘乾而不飲冷。此腎水虧極也。以上驗舌色之大略如此。視其色卽知其病之所在矣。

曾女士醫學全書目錄

●第一種 診病要訣

脈論 舌色論

●第二種 寒溫指南

卷一

溫病傷寒傷風辨論 傷寒溫病原由 傷寒溫病脈辨 傷風論 溫病論 風溫治法

春溫治法 溫熱治法 溫疫治法 溫毒治法 暑溫治法 溼溫治法 溫瘧治法

秋燥治法 冬溫治法 傷風傷寒初起治法

卷二

溫病傳入中焦治法

卷三

溫病傳入下焦治法

卷四

傷寒論治

●第三種 雜症祕笈

中風論治 預防中風 血虛中風 氣虛中風 氣血全虧中風 中風口眼歪斜 頭
風偏左 頭風偏右 頭目眩暈 溼熱頭眩 肝風頭眩 胃熱頭暈痛 風寒頭痛
頭面患癰方 浸梳頭油方 面生酒刺雀斑效方 冬日手面凍裂方 粉刺面皰 面
生癢子 目生翳 鷄臙眼 風火赤腫目疾 陰虛目乾痛 偷針眼 痘風眼 傷風
腦漏 鼻淵腦漏 鼻衄 少年耳聾 腎虛耳聾 腎虛耳聾又方 耳暴聾 風火牙
痛方 腎虧牙齒痛方 擦牙固齒良方 虛牙痛簡便方 舌絳糜爛 風火喉痛 陰
虛喉痛 虛寒咽喉痛 虛勞咳嗽 積飲咳嗽 受寒咳嗽 久咳嗽 風寒咳嗽 吐
血論治 自製吐血方 吐血又方 損傷吐血 怔忡心悸方 不寐方 心胃氣痛
痰飲胃腕痛方 心胃諸痛 手足酸痛 哮喘妙方 口乾舌燥方 肝氣犯胃食入卽
吐 痰氣上逆嘔吐方 膈逆阻食方 治膈噎良法 面目發黃方 陰黃方 酒瘰發

黃方 肝木尅脾腹痛方 脾溼脹滿方 腹脹水瀉方 腎虛五更瀉 溼鬱腰痛 腎
虛腰痛方 風溼腰腿痛方 兩腿轉筋 腳氣痛方

●第四種 婦科良方

治室女經閉 室女經時腹痛 室女倒經衄血吐血 婦女臟燥好哭 調經種子良方
經水不調調經酒 肥胖不孕 經水先期不孕 治孕婦惡阻方 安胎奇方 千金保
孕丸 泰山磐石飲 保產無憂散 專翕大生膏 難產神效方 產後氣脫方 產後
空腹痛 肝痿方 產後傷尿胞方 血虛發熱方 產後咳嗽痰多方 產後大便不通
方 乳少能多方 婦人乳被兒口吹閉塞乳孔腫痛方 乳癰紅腫 又乳癰神方 乳
巖治法 陽和湯方 鯽魚膏方 產後虛羸心腹痛方 血崩方 血去過多心痛方

●第五種 幼科指迷

看虎口三關法 落地不哭 初生開口藥方 上齶白星治法 驚搐 臍中溼腫 胎
毒馬牙 口瘡 牙疳 禿瘡 天泡瘡 疥癬 剃頭擦方 治熱癰方 撲痲子方
吐乳 吐乳叉方 痰喘 傷風咳嗽 脾虛咳嗽 急驚 慢驚 暴吐瀉 泄瀉不止

出癰子 癰後咳嗽久不止 疳疾腹大 疳疾生蟲 疳疾又方 健脾消積粉 痞疾方 痞疾敷藥 遺尿妙方 小便如米泔

●第六種 外科纂要

外科陰疽治法 石疽惡核治法 陽和湯方 陽和解凝膏方 犀黃丸方 千金托裏湯 十全大補湯 保元湯 瘰癧治法 子龍丸方 小金丹方 項生連珠瘰癧治法 治瘰癧湯 癰毒治法 醒消丸方 五通丸方 敗毒湯方 洞天膏方 洞天嫩膏方 托毒散方 疔瘡治法 菊花飲 地丁飲方 治對口疔方

曾女士醫學
全書第二種

寒溫指南卷之一

華陽曾懿伯淵著

古越王慎軒重訂

男南山校字

●溫病傷寒傷風辨論

古無溫病之說。每遇發寒熱之症。輕則爲傷風。重則爲傷寒。並有後世名醫審情揆理。以爲冬感於寒。卽時發者爲正傷寒。當時不發。寒氣鬱於肌膚之間。至春而發。謂之春溫。至夏而發。謂之熱病。統名之曰傷寒。是說以溫病熱病。皆由於寒之中人也。然何以富貴之家。深居廣廈。坐擁氈罽。飲酒圍爐。雖經霜天雪地。竟不知寒。則應永無傷寒之症矣。何又不然。貧窮之人。日夜操勞於風霜雨露之中。且無衣無褐。缺襟露肘。皮烈肉皸。豈非更多患傷寒矣。何又反少。此言不得不令人翻駁。鄙意四季之中。風寒暑溼。皆能鬱久在人身中。鬱久故化爲熱。所以溫病多於傷寒。不得專泥於寒之一字也。內經云。冬不藏精。春必病溫。立言皆重於冬。豈謂冬宜藏。他時可以不藏乎。鄙意四季之中。人之精神固守。腎氣內充。一切時邪皆難侵受也。所以古方治傷寒偏於溫散。皆泥於寒之一字爲主。故今之庸醫。偶讀古方數則。瞠

昧不明。泥古不化。每見用傷寒古方。以治溫病。鮮有見效。懿摠心久矣。且身歷危險之症者。再。皆因始誤於表。幸心血素虧。不致昏迷。尙能伏枕。自查溫病條辨。仿其滋陰甘涼。治之得法。而獲全愈。故審悉斯症。總名之曰傷寒。實係溫病也。此書誠新立活命至寶之書也。故大地名區。尙有讀書明理儒醫一二。每遇病思義。尙能解釋。以此法救人。無有不效。奈窮鄉僻壤。竟無良醫。專泥於古方。每見偶感風寒。不察溫病傷寒傷風。大肆溫表。亡其津液。耗其血氣。致令陰涸耳聾。延成虛損。以致不起。更有寒熱初起。表裏並用。一紙方藥。必開有十三四味。有表有降。使邪降之入裏。能令人結胸發狂等症。眞誤人之甚也。尙有表藥之中。雜以補藥。並以參爲君。名曰參蘇飲。使風寒之邪未解。關之入裏。誠所謂閉門殺賊。每致令人病久不愈。此藥再無效。則云虛矣。不論人之邪盡與不盡。各種補劑頻施。致令昏憤狂譫而死。實堪痛恨。懿連年隨官廣德渦陽。見此三種治法最多。天札頻聞。民罹其苦。心竊憫之。故將傷寒傷風溫病始終治法。詳辨明晰。苟能遇此重症。陡然大發寒熱。則定知係傷寒溫病。只要初起用藥不誤。一二劑藥。卽將邪氣攆出。病卽霍然。傷寒不致令其傳經。溫病不致令其昏憤狂譫。懿屢經驗矣。敢爲天下人告。非但有益於人。利人亦利己也。

●傷寒溫病原由

此症雖屬外感。然多患於勞心之人。並處以深幽之屋。空氣不得流通。最易於患此。乃緣勞心操作。血氣每多壅滯。凡風寒暑溼凝結不散。收入臟腑。積久復感風寒暑溼。因之激起而作。故每發病如陡然發寒壯熱。其病必重。人之身中。肺爲華蓋。上有二管。一爲食管。上承飲食。一爲氣管。以通呼吸。所以受病皆由呼吸引進。故病始來皆在肺經。須用輕散肺邪。得汗卽愈。不致傳至各經矣。故西醫治病之法。雖不及中國。而杜病之法。實有甚於中國者。凡人苟能節勞以保腦力。時吸新鮮空氣。以保肺氣。兼能運動。使血絡流通。自能百病不生。而臻壽域矣。

●脈辨

脈浮緊惡寒。謂之傷寒。脈數寒少熱多。謂之溫病。脈緩惡風。謂之傷風。脈盛壯熱。謂之熱病。脈虛身熱。謂之傷暑。醫者不可不辨。

●傷風論

傷風者。每遇暴寒暴熱。衣被冷熱不勻。或坐臥當風。或由窗隙翦風傷人。當時感受。則流清

涕。或鼻塞不通。身重頭痛。亦發寒熱。有噎有汗。此來勢緩。其症亦輕。只要衣衾帶暖。忌風忌油。卽不服藥。亦可就愈。如久不解。則宜香蘇飲解之。

香蘇飲 蘇葉 錢半 荊芥 錢半 防風 一錢 川芎 一錢 製香附 一錢二分 生甘草

五分 生薑 三片 爲引 如有身痛。加秦艽 一錢 鼻塞流涕。加半夏陳皮。如咳嗽。加杏

仁桔梗前胡。蘇葉改爲蘇梗。一劑得汗而熱退。不必再服。不退再服一劑。無有不愈者。但忌風忌油。

●溫病論

溫病之症。有九條。有風溫。有溫熱。有溫疫。有溫毒。有暑溫。有溼溫。有秋溫。有冬溫。有溫瘧。是也。皆由風寒暑濕由口鼻而入於肺。鬱久感時氣而發。初發亦陡發寒熱不解。次早退熱。晚又復發熱。頭痛昏脹。面色多油滯。發熱一二日。卽作渴。或不渴。熱後有油汗。一二日後。卽早起清爽。下午發熱。尺膚膚熱者。言下身部熱愈甚也。其脈不緩不緊而動數。寸脈獨大。右手脈盛於左手。溫熱雖久在一經不移。不似傷寒之傳各經也。

●風溫治法

風溫者。初春陽氣始開。肝經行令。溫風相感而發作也。始發熱而惡風寒者。桂枝湯主之。

桂枝湯 桂枝三錢 白芍錢半 炙甘草一錢 生薑二小片 大棗一枚去核 水

二杯。煎至香氣大出。即取服。不可過煎。一經寒退。則無須服。寒後但熱不惡寒而口渴者。

辛涼平劑銀翹散主之。不口渴者亦效。

銀翹散 連翹二錢 銀花二錢 苦桔梗一錢二分 生甘草一錢 薄荷一錢 竹葉

八分 荊芥穗八分 牛蒡子一錢二分 淡豆豉一錢 鮮葦根二錢去節 藥不可過

煮。煎至香氣大出。即取服。煮久則入中焦。不能發汗矣。病勢重者。日二服。夜一服。服後須汗

出即解。如身痛加秦艽一錢二分。頭痛加蔓荊子一錢二分。胸膈悶者加鬱金一錢二分。藿

香一錢。咳者加杏仁一錢五分。利肺氣。渴者加天花粉一錢五分。衄者加白茅根二錢。側柏

葉錢半。

●春溫治法

春溫症。由冬寒內伏。藏於少陰心腎經。發於少陽三焦膽經。寒邪深伏。已經化熱。前賢以黃芩湯爲主方。用苦寒直清裏熱。熱伏於陰。苦味堅陰。乃正治也。此方不因新感而發者甚妙。

黃芩湯 黃芩三錢 炙甘草二錢 白芍二錢 大棗二枚去核 水五杯煮取二杯。分二次服。

若因外邪先受。引動在裏伏熱。必先用辛涼以解新邪。須先用蔥豉湯。此方爲溫熱初病開手必用之劑。

蔥豉湯 蔥白一握 香豉五錢 水七杯。煎成三杯。日三服。原方加童便。余主不用童便亦可。王孟雄按蘆根、桑葉、滑石、蔗漿。皆可隨症佐用。

風熱入肺者。頭脹咳嗽。身不甚熱。微渴者。輕劑桑菊飲主之。

桑菊飲 甜杏仁二錢去皮尖 連翹錢半 桑葉錢半 苦桔梗二錢 薄荷八分 甘

菊花一錢 甘草八分 水二杯。煮取一杯。日二服。

●溫熱治法

溫熱者。春末夏初。陽氣弛張。溫盛爲熱也。脈洪渴甚。面赤惡熱大汗者。辛涼重劑白虎湯主之。夏日受暑。多患此症。然必須大汗大渴脈洪而熱不退者。方可服也。

按白虎方本爲達熱出表。若其人脈浮弦而細者。不可與也。脈沈也。不可與也。汗不出者。不

可與也。不渴者。不可與也。當細察數種。勿令誤服。此方用之得當。應手而效。用之不當。禍不旋踵矣。

白虎湯 生石膏六錢 研 知母三錢半 生甘草錢半 白梗米半合 水五杯。煎取二杯。分二次服。

●溫疫治法

溫疫者。感天地之厲氣。厲氣必挾時毒。或人煙稠密。居室不慎。飲食不潔。或天時不正。致相傳染者多。惟不可用溫表藥發汗。發汗而汗不出者。必發斑疹。汗出過多者。必神昏譫語。發斑者。徧體赤紅成片。甚則轉黑色。則病危矣。疹者。小紅粒。成片成朵之象。皆溫毒蘊久而成也。發斑者。化斑湯主之。發疹者。銀翹加減湯主之。

化斑湯 生石膏一兩 知母四錢 生甘草三錢 犀角二錢 元參三錢 白梗米一合 水八杯。煮成三杯。日三服。

疫症初起。寒熱頭痛。煩躁譫妄。肢冷身熱。舌刺唇焦。一切火邪。表裏俱盛。狂躁心煩。口乾咽痛。大熱乾嘔。吐血衄血。熱甚發斑。不論始終。以清瘟敗毒飲主之。